



早稲田大学図書館
文書 27
E 2



大壯夫志氣堅定于
壯歲之時國人定
賴以不畏醜虜
之以來侵也

蘇秦

以下天保四年

六國從成身富貴。嫂兄報々更無辭。冥鴻一舉青雲翼。即在千辛刺股時。

張儀

說衡幾歲厄其身。三寸不窮妙舌新。就錄蘇秦恩遇大。始終莫負舊知人。

商鞅

秦法其從徒木新。無何刻薄少恩人。當時渭上論囚處。冤恨至今呼不仁。

大丈夫

堂堂威武不能屈。富貴如雲一片浮。正氣浩然何等力。泰山北斗是千秋。

○ 批。貅百萬滿城圍。言笑優然躬指揮。於義可生思可死。胸中安熟是兼非。

狗盜短檠戲賦

讀書床上短檠油。飢犬窺人不復休。喚起僕僮傳論報。衡門縛得管俘囚。

流民

破笠露頭策露身。語音知是近州民。泣言季夏新秋際。殺我禾田白雪新。

○ 秋日郊行

物皆枯落奈凶年。民屋蕭條不見烟。想起難復貞觀四年事。米量一斗值三錢。

田疇處處有秋收。稻半糖粒人見愁。我政元來天下

傷心之語

少。連年災禍果何由。

重奉哭衡山先生

秋陽一自失輝光。四面濛濛人語傷。今日偶過墳墓未步。不知雙淚落千行。

○ 秋夜

欲將詩句答清秋。朗月中宵獨上樓。邛北寒砧浦南笛。使人結此百層愁。

九月二十八日雪

曉天飛雪白於紙。樹々花開色々寒。園裏紅楓猶未落。眸中忽作画图看。

全念九

秋抄冬初雪雜霜。未知必竟孽乎祥。朝來夢覺還慵

清麗

起怕凍深窓獨在牀。

溪屋雪意

鳥歸谷口暮天幽。一帶寒雲鎖隴頭。家奴卜得明朝雪。門外投瓶汲小流。

夜雪

征雁啼過夜五更。天寒千里出邊城。怪他檻外疎々竹。無雨無風自有聲。

過花澤橋

滿眸一色皓無涯。鞭影蕭々截雪馳。斜照三竿鴉背白。橋頭立馬拾新詩。

冬夜

夜半丁冬漏滴中。紗窓寒月一天空。被衾忍凍收雙

脚。七尺形軀曲似弓。

偶作

狂風吹朔雪。面々入悲哉。今日寒窗底。莫邪迫體來。

雪夜會友

瓶裏小梅窗外竹。孤芳直節與誰同。松風吹落紛紛雪。一社友于兄弟中。

臘月念八觀歲市

北市賣魚南市鶯。家家杵臼作糶粳。年凶萬物不成熟。寒竈奈無粒々禾。

歲晚

梅花催色稍將春。放入筆梢覺有神。掃却世間塵漠漠。暗香書屋一閑人。

以歲寒三友比擬
來混和無形迹
詩法秘訣

梅

夜半寒窓月色奇。橫斜寫出小梅枝。吟竟忽結羅浮夢。一味清香吹送時。

守歲

一年強半廢金觥。千屋萬家只菜羹。故歲看兼燈火盡。街頭爆竹寂無聲。

立春

禁酒故及

寂寞無人訪草堂。何時一醉笑迎陽。與吾耐久知何物。古淡瓶梅朵朵香。

元旦賦松奉賀

以下天保五年

嚴君五十初度

四言古

璇穹周轉爰鞭土牛。瑞風徧吹三島十洲。鬱鬱松樹。

姿如蟠蚪。玉容高映。其壽千秋。

元日戲賦

叩來賀客雜賢愚。辭氣有精又有麩。必竟人心皆似面。鄭之子產不欺吾。

人日

雨歇天晴風不寒。一輪紅旭輒雲端。今朝瑞氣人皆喜。如此春光未嘗看。

春宵

小亭閑別短檠缸。夜半疎鐘斷續撞。寶鴨烟消衾漸冷。東窓花影在西窓。

弱柳嬌花書屋傍。淡雲籠月月還芳。一詩欲答千金景。夜之心竟為句忙。

荅曾元瑞
孤鴻帶牘得書堂。字々風霜意自長。針石本難容易得。欣君仍辱友于章。

贈元瑞 七言古

買臣賣薪總給食。行々歌誦夕陽風。一旦拜為會稽守。餓死不填溝壑中。嗟哉元瑞似買臣。衣食不給寗無薪。阿母垂老阿弟穉。活計皆擲一人身。欲酬平生千里志。係累俗氛不得振。負薪讀書氣縱橫。下來依例夜四更。無端世間騁毀譽。我心非石不可轉。獨砥甬中果毅鋒。是非万端一刀剪。公臨校宮試業時。解義有味語委蛇。甲科特命拜寗賜。譏者默々無一辭。浮世由來足險艱。動以訛言誤良人。欣君獨能強中

起句及換韻必押

元瑞得此佳頌滿身放金光明

立。不顛人間行路難。

春日郊行 得中躬

晴郊十里暖春風。柳暗花明綠雜紅。吟杖閑行濃靄裏。宛然人在畫圖中。

春川綠暖長魚子。野草含烟雉起叢。風笛聲々天欲暮。醉吟踏遍水西東。

春江送人 得炎字

一江鴨綠遠連空。惜別暮天幽笛風。回雁無情呼離恨。似聞霜夜斷腸蟲。

○春遊

送柳迎花西又東。無邊春色淺深紅。杜娘家在鶯鳴外。一路分明隔水通。

紅情綠思飄欲上天

閑適有味

○訪故人幽居次香君禮韻
疎密清陰一逕通。茶烟輕上斷橋東。主人今日何閑事。吟笏支頤坐晚風。

郊行全

春光鍾在野人莊。弱柳搖風水漲塘。好是鏡中誰細畫。浮鷗點點浴斜陽。

買梅

十歲耽書計已癡。買梅笑植水之湄。待他春月朧明夜。疎影幽窓香動時。

春山月夜

靜聽巖泉月下吟。又携藜杖步花陰。春宵一刻千金價。悠然養得此時心。

櫻花

可憐妖艷壓枝々。元是百花第一姿。嬌影婆娑風處動。樹間淡月上窓時。
閑庭雨歇不看塵。櫻樹風搖嬌色勻。若使此花在西土。牡丹何必玉三春。

春日遊山寺

獨木橋頭一逕通。曳筇來訪梵王宮。村々桃李川々柳。春色無邊指顧中。
七寶莊嚴聳上方。更無車馬近禪床。塵胸一洗三杯酒。馱背吟鞭下柳塘。
一路青山鳥自吟。塵襟換得白雲心。雛僧惶急向吾道。師是朝來宿醉深。

破戒頑僧不足污
公詩

雲鎖洞門春色深。山風吹度古禪林。塵談試醉蒲觴酒。玄鶴一聲斜照沈。

郊行

春服方成去踏青。無邊鶯語立筇聽。黃牛鳴斷孤村暮。誰繫孤舟上柳汀。

垂釣

洞裏花開春靄堆。一絲風水坐青苔。斜陽一帶江山碧。釣得魚鰕尚未回。

題画

一幅春光三月天。溪村雪解水生烟。林尖斜照人歸去。家在柳條欲睡邊。

春色冬光此裏頒。雪滿前山花滿灣。橋邊閑店人方

醉。日落歸雲一片閒。

一抹紅霞古渡春。竹籬茅屋自成隣。幽人是似溫村釀。初得花枝折作簪。

送山田桐軒遊學江戶

悠遠武昌天一涯。豈圖今日又臨歧。分襟好盡三杯酒。排悶強裁數首詩。雙劍衝霜人去遠。碧蹄踏月馬行遲。揮涕攀折橋頭柳。笛裏陽關吹起時。

次曾元瑞甲嶺採薇韻

山巔踞石望方開。不顧蕨拳抽薜苔。謾頁詩資尋妙處。拂衣又上碧崖鬼。

四月仲九柳街失火

續々急鐘駭懶眠。家々呼火柝聲傳。濛濛陰霧掩全

地慘毒紅雲燒半天。快似周瑜塵魏勢。疾如殷浩敗
羗烟。一時世上明於晝。奔走人行灰燼前。

送人隱湖上分韻

已知幽意屬蓑衣。一片孤帆懸夕暉。想爾與鷗同睡
處。更無俗夢到塵扉。

湖上夜歸分韻

日暮蒼茫路欲迷。湖天植杖幾回首。孤燈忽點叉魚
舟。繫在前洲伏浪柳。

子規啼

林々滴露水風清。蜀魄聲々驚夢鳴。可歎征人不眠
夜。數行灑淚月三更。

栽竹

移得邛山碧玉莖。斜々臨水翠烟清。淇園從是涼風
起。吹送鏘然戛玉聲。
清標耐久不君誰。浴雨吟風一段奇。曾比斐然君子
德。七賢六逸亦徒為。

訪隱者不遇

偷閑一日問仙竅。佳話將期水與山。惆悵主人何處
去。殘棋狼籍石枰間。

林亭讀書

綠樹重々蔽草堂。青苔自厚水風涼。蟬聲斷續斜陽
裏。讀盡新篇日尚長。

水亭觀螢得叢字

半嶺淡雲月似弓。新螢數點出幽叢。江天十里万星

不要限定如此

亂小榻時添一味風。

水村夜歸

烟暗漁村路不辨。蛙聲兩部送人歸。橋頭暫駐吟筇立。銀樣新蟾揚素暉。

林館避暑 得韵冬

橫水古松如卧龍。綠濤吹落暮天鐘。脫來團扇手中苦。無限清涼爽似冬。

溪行 得時字

竹杖支頤立水湄。驚人幽禽出浪疑。漁翁向晚何忙事。方是溪魚落網時。

公使叔深澤公絢拜鴈於幕庭余從之二月仲四
蒞米澤念二到櫻田邸往來得十一首

佳人所勸果何人

宇都宮

紫陌紅樓西又東。花香鳥語暖春風。佳人顏色清於玉。勸酒月明歌吹中。

此土繁花耳久慣。今春何幸得閑遊。一身只為雙親在。半憶武州半羽州。

東都偶作

信美非吾土。思家還斷腸。春昏千畝柳。綠雨動池頭。

殿山

江城二月好春光。曳杖殿山弄艷陽。數樹櫻花晴若雪。佳人折取一枝香。

望不二

連日思君望幾回。襟懷今日與雲開。八稜高插青空

櫻花無香為佳人
忽生香

外現出佳人全面來。

過品川

紅裙相映色嬋妍。巧斂梳妝坐綺筵。定識樓頭宴公
子。銀鞍繫在斷橋邊。

飛鳥山

櫻花万樹照山暄。飛入金杯酒有痕。女伴如雲紅影
動。雙雙互逐落春奔。

山櫻如雪撲春醅。又叩青樽一笑開。風笛聲々天欲
暮。佳人頭上插花回。

飛鳥山頭鶯語迷。遊人幾隊失東西。春風暮舉金鞭
去。多少飛花逐馬蹄。

途中口占

情景動人

霸者驩虞王者皞。千村万落簇炊烟。連天鴨綠麥千
頃。滿樹鵝黃柳一川。

下藤

路通峽石三千尺。下有層潭卷白砂。一步武關心膽
落。行人到此戰牙車。

四月仲五浴于五色湯。遂探滑川雲。婆兩泉。

十六日暴風

層壑動搖大木顛。烈風過處響轟然。終宵不競清如
水。獨有月輪懸在天。

晚晴

斜照漸收天一方。欄頭洗熱坐風涼。白雲走過板關
路。宛似行人向晚忙。

雲婆泉

千年此境老仙栖。永與蓬萊山上齊。日影穿林天半暮。碁聲響在淺流西。

杜鵑

氣和初復際。杜宇野江邊。旅客時揮淚。山妻夜不眠。昔時享帝號。今日被人憐。一鳥猶能養。君臣禮儼然。

五日

五日南窓雨蕭索。離騷手把讀區區。今年禁酒顏憔悴。不啻獨醒屈大夫。

寄岩井時習

盤石可移鏤可磨。天時本不若人和。莫為苟且安身事。駒隙光陰奈老何。

寄岡田氏

春事匆匆忽麥秋。青年恰附逝川流。安分一畝閑荒地。為子讀書千歲丘。

代翰有約故及

朝陽轉瞬即斜暉。舊約未酬頻掩衣。今夕明宵閑無事。待君袖卷訪柴扉。

訪成趣齋

半塢青松千畝竹。涼風陣陣拂簾吹。圖書課竟憑欄角。多少小魚躍石池。

次君禮韵却寄

荷葉飄青日稍曛。新螢點水生紋。此中閑寂無人訪。手舉一杯獨待君。

成趣之名不虛思
主人死已二
松竹與池魚
多少感慨

養苔

青苔日厚自無痕。折得柳枝樊小園。誰識主人超俗意。手提瓶水立黃昏。

水軒復日

潺湲泉自竹間通。中架閑亭日有風。詩思倦來呼石枕。任他斜照透簾櫳。

水村夜歸

漠漠荷香暗處吹。醉歸扶杖步遲遲。一川新水遠村活。數點流螢上竹籬。

送近益卿歸小園

一陣寒風吹斷蓬。此行恨不追高蹤。知君明日相思處。雲鎖天邊山萬重。

画虎應某囑

如墨溪雲將雨天。虎兒卧在亂篁邊。當年没鑿有名將。寧識此間得意眠。

画龍 全

鱗々捲水濺天下。無限成功不杳冥。好惡葉公真異我。不憐他貌取他靈。

喜雨

快雨灑然鳴碧篁。幽人對此又呼觴。清風如水炎威遠。不假蒲葵一扇涼。

家犬陣平死

一生万死屢輕躬。喚做陣平名不空。豈料吾恩今日斷。敝帷埋在九泉中。

晚唐妙境

○六月五日雨待友不來
開戶試呼來者誰。數竿脩竹觸關時。四簷點滴疎
雨付與閑人空入詩。

六月十三日雷

蒸雲幾疊起奇峯。熱若坐甌汗迸胸。吐々吾妻西嶺
外。狂雷迅霹裂空衝。

全十四日驟雨大雷

垂天銀竹擘雲初。電母施鞭雷馭車。一醉貧涼任水
榭。時看驟雨落河魚。

陰帝駕車動百川。神鞭鬼馭太狂顛。須臾雲散天如
洗。一陣清風草木鮮。

奇峯突兀起遙東。雷雨沛然濺晚空。忽濯人間苦熱

去。斜陽依舊在簾櫳。

全十五日

一聲霹靂裂山來。喜彼能蘇草木回。偶讀穀梁篇上
語。陰陽磅礴感為雷。

全十六日

三日真然雷不休。破天猛氣使人憂。午前總見窓光
白。幽晦多為詩獄囚。

南山連日震雷多。欲以長槍刺殺他。慚愧狂人不知
理。陰陽所感乃調和。

全十七日

雷鼓殷々其響喧。滿天狂雨晝方昏。忽遭風伯驅雲
去。一半書窓上日痕。

全十八日

霹靂震威夜未衰。電光閃閃射書帷。閑人倚柱鍛詩句。想得劉曹對坐時。

全十九日

震勢漸從昨日衰。電光猶且曝然馳。兵家後實先名法。一笑君今亦近之。

全二十日

雷霆迅疾殆連旬。不識裏裏怕幾人。今日空中收怒氣。餘聲猶在遠山振。

全念一

彌旬無意對尊罍。暴雨狂風搖屋來。今日竹窗涼味好。只聞憂玉不聞雷。

有夢情味

訪新保氏

蕉葉當軒碧掩空。涼風如水入簾櫳。主人好劍且能學。五夜談兵猶未終。

三凌霄齋納涼

凌霄架底步三更。種種鳴蟲羽有聲。想得去年燈下夢。終宵熱雨濺山城。

簾前領取夜涼新。陣陣清風動綠筠。如此良宵難復遇。橫天絳漢度双神。

苦熱

大暑無風到水灣。淋漓汗滴浹眉間。何緣移屋松林裏。四面綠濤搖竹閑。

驟雨次大國氏韵

黑雲四面似山頽。忽作狂雷甚雨來。滿地炎蒸皆濺
盡。可人涼氣亦佳哉。

夕佳樓步唐人韻

前宵涼雨濺園地。草木一時皆似媚。今日開晴不見
雲。堦巔突兀入窗翠。

魚獵

挈網岸頭獨自欣。銀鱗漾漾幾群群。乍看人影皆驚
散。芦葉疎邊水有紋。

○松

善狀古松
松樹裁何代。不知幾百年。半窗針葉密。滿地鐵根堅。
六月猶寒色。三冬含翠烟。微風時一掃。恰似弄琴絃。
、七夕

一歲双星會。今宵是北辰。暑收風較冷。雲散月初新。
乞巧穿針女。微吟對酒人。五更猶不睡。瓜果滿庭陳。
、中元訪得月樓

袖詩得得上南樓。皎月一輪明早秋。今夜中元人雜
沓。誰知我有廣寒遊。

三晚秋有感賦二首

仰喚蒼天々不答。陰蟲唧唧夜沈々。芙蓉滿朶為誰
發。花與主人同一心。
駒隙匆匆馳若梭。秋風狼籍滿池荷。閑窓獨把遺書
讀。悲淚如斯無奈何。

贈罔田氏

欲垂竹帛顯功名。螢雪研精到五更。欣見君心與人

傍人亦悲

異卓然抵死耻書生。
雪後吟窓冷徹身。何君無恙與書親。講堂昨日吾終
試。謝借章圖弁入神。

臘月二日醉後

平常杯裏有真娛。何待春筵月色鋪。論及世人沈溺
處。酒之為德不如無。
三酌十分能慰神。不須十酌送杯頻。醉吟可以消憂
思。亦異高陽倒載人。

春曉聞鶯

以下天保六年

開戶試看殘月橫。池頭弱柳有新鶯。曉々曉色欲浮
霧。彷彿似聞夢裏聲。

寄蘭洲翁

并引

翁今茲年八十能講。先公兵法未嘗頃刻措
手。也有為之才。可謂老益壯矣。欣喜之餘。賦寄
東奔西走。不言疲。維昔烏峯拾茵時。聞道如今猶若
壯。諳將韜畧吐英奇。

朝恕卿見示次九山六老韵十首。余亦次而還

之以月懸梧桐上。風來楊柳迎。句為押。

殘夜挑燈播詩笏。孤身與世如胡越。欲憑虛檻嘯天
風。古淡瘦梅留落月。
休道偷閑學少年。乃公心事豈其然。花前綠酒醒還
醉。又得林梢新月懸。
一自阿爺棄我祖。中心若醉泣茅廬。今春花鳥看將
盡。半晌時間落葉梧。

幽雅高古

我國仁風宇內充。然無卜表得非熊。嘆嗟吾亦世家子。未見鳳凰棲碧桐。

五夜丁々殘漏響。高人不寐在書幌。西窓一段天然圖。月影落時花影上。

年々春色有何窮。依例滿園花樹紅。鉄笛夜來吹起處。斷腸方在落梅風。

春風吹罷夕陽墮。一篆炉烟上古槐。晚日苦吟將叫酒。更無詩客叩門來。

讀盡毛詩六七章。快然收帙坐斜陽。金衣公子多情者。啼在春容未老揚。

尋春細向野塘走。陰霧埋林雪猶厚。獨有東風似并刀。依々裁出鬱金柳。

梅梢新月色。嬋妍宛若佳人立。暮天將欲題詩寫奇景。吟魂費盡淺流邊。

三和香君禮韻

冰樣心胸稱絕倫。除君詩友更何人。一般塵外風流致。揖月禮花立曲津。

三村童騎牛圖次君禮韻

利名不復到人寰。隨柳傍花心自閑。短笛聲々紅日落。倒騎牛背下溪灣。

三詠尾州儒官秦鼎烈婦平氏碑銘

平氏真心真耐哀。悲歎慟哭把刀時。千秋不朽貫天氣。殘在孤墳一片碑。

銘曰貞士烈婦方其無奈何也。唯有一死而已矣。漢之平后之赴丹爛符鳳妻之沈蒼波是豈有他

道哉死義也。一人致死天下化之。是成仁也。仁義之道。出於一婦人。烈哉平氏。可以死。可以無死。如袈裟也。刺而殺之。豈無他道哉。其於盛遠也。疎也。烈哉平氏。乃弔以一句。曰。身沈中海。氣貫九天。嗚海縣令。長坂正晴。書其陰。曰。二月。源典。既義朝者。長田忠致。女也。平治元年。十二月。源典。既義朝軍。敗東走。政家從。抵尾張國。知安郡。內海忠致家。明年正月三日。忠致。而殺典。既。政家死。之。平氏。聞變。悲。恨。哀。慟。亦。伏。夫。刀。而。死。即。此。地。也。余。每。行。郡。過。之。歎。其。真。烈。惜。其。跡。埋。荒。草。妨。後。人。其。用。意。可。嘉。也。故。亦。記。一。言。其。陰。

桃李 松柏訛力

層々松柏半天橫。經過三冬黛色清。大器晚成誰克解。笑着桃李一朝榮。

○偶作

世事無心身自安。南簷盡日倚窓看。戰風脩竹吟聲

如元我事等字往
識露圭角不可不

意味深長出前作
數等

靜沐雨垂楊舞影寒。

鶯

書窓鎮日無人訪。宛轉鶯兒繞舍飛。定識前身屬仙籍。池頭影落浸金衣。
東方欲曉樹冥冥。數轉流鶯隔水聽。一種巧音何所似。玉兒吹笛更丁寧。
擲柳投花太有情。嬌柔宛作弄笙聲。窗前日暮千般語。似與主人訂舊盟。

故人来

等闲相遇與依々。一樣幽情共不違。醉後吟窗春更麗。桃花枝上雨聲微。

山行途中口占

可憐鶯兒

偷閑隨意步溪邊。暖日輕風近午天。吟意觸來春若海。一村桃李一川烟。

買詩到處不須錢。拾得春山伐木篇。盡日吟行饒樂意。又并花影嗽清泉。

追花拾翠無南北。躬在春光如畫中。好帶前村斜日去。笠蓑猶留落霞紅。

我有樓集 平林氏別業

四面青山弄靜幽。悠然支臂竹欄頭。地偏心遠稀人到。素與世間風馬牛。

三木滑氏招飲

復雲擘絮晚風涼。月在池頭將倒揚。一世經綸余未管。幽懷唯寄手中觴。

秋仲中丁紀奠 以下係費舍作凡五十九首

鳳幙含風拂曙天。威儀肅々薦嘉邊。洋洋千古神如在。香暖杏壇麟鼎烟。

至日費舍集

池塘垂柳欲舒邊。氣化推移陽已旋。不問漢宮添一線。讀書窓外暮山烟。

除夕 歲歉禁酒有人贈家釀

今宵酌酒々難耐。小飲如斯滿腹慙。燥髮讀書無寸得。明朝二十又添三。

元旦 以下天保七年

拍々雞鳴曉氣寒。滿朝濟々肅衣冠。退公更引春風醉。笑問推兒年若干。

不寐
砧杵夜深聲斷絕。梅梢月白影橫斜。卧到天明眼未
得。疎鐘撞散幾群鴉。

醉歸

十分買醉步遲々。野水橋頭第一枝。滿腔閑愁融似
水。洲前嘯月立交時。

尋梅 課題分韻

若非香味襲衣袖。何認稜々雪裏魂。更怪孤村歸路
月。幽溪高下有雲屯。

仲春中丁叙奠

堂上香升處。春風欲曉時。肅然陳俎豆。依例奏哥詩。
、師古樓即吟

關干支我臂。遠嶺雪方晴。依々池畔柳。春色入疎櫺。

興讓館櫻同諸子賦 得風字

瓜期屈指在秋鴻。不復看君顏色紅。欲賦新詩寄離
恨。無情一陣暮天風。

春曉聞鶯應 命

萬緒詩懷今怎生。呼醒春睡有嬌鶯。書屋稍從花底
白。枕邊猶止兩三聲。

一聲兩聲欲曙天。詩人何恨攬春眠。嬌柔時弄可憐
語。却在閒閑未調邊。

奉送

世子赴東都

君子少壯日。學問樹鴻基。分陰不敢曠。求善如調飢。

造語太麗句有呼
應

蘊之無事日。以施有為時。懋德實非艱。方策至道遺。
舜人予亦人。顏子不我欺。

、春雨

似霧如烟又似絲。霏々漠々洗花垂。閑人睡起春窗
窸。時見枝々珠陸離。

三、貧士 括來字

林泉靜處絕塵埃。遮莫柴門無客來。貧味瓢簞吾樂
足。久朋別有一枝梅。

、初夏即事 課題分韵

不知春艷歸何處。四面青山杜宇號。難奈光陰無計
駐。南窓新綠點離騷。

涇川採薇 途中口占

堅忍中有優遊之
情如是者百事可
為

殘星幾點入新晴。一路山村冒露行。眼界茫茫天尚
暗。隔林唯有石灘鳴。

梅雨 課題分韵

黃梅時節雨如麻。風物蕭々日欲斜。滿地新苔青數
寸。芸窗自是足鳴蛙。

綠陰垂釣 全

流上逃來甌裏炎。綠楊深處水風恬。垂綸三尺魚竿
下。無復履瓜冠李嫌。

杜鵑

曉天月落寂山村。枕上時聞蜀帝魂。遺恨千年猶未
散。新林啼血似斯繁。

、草堂小集

心如秋水氣如蘭。情素論來夜已闌。須臾人散柴門
闌。四壁泉聲燭影寒。

二代東謝中里義卿

雨脚蕭々梅熟辰。芸窗連日與誰親。新封鴨綠盈尊
酒。謝爾掬之分故人。

三竹又氏小集書齋新成扁亦政字

新築書堂枕石池。命為亦政意先知。設施已在友于
裏。不必他年當路時。

晚涼登山亭分韻

雲亭隨意趁涼颼。恍惚如知人境遙。百鳥倦飛投晚
樹。溪橋擔水有歸樵。

歸雲館納涼

眼孔太大大

古林繞舍綠深々。滿地清風起樹陰。月上詩情猶未
會。待他松影落池心。

暮雲散盡豁蒼空。炎熱洗來庭竹風。囑與家童休聒
々。銀鱗時躍碧池中。

初秋行圃分韻

秋炎日々避無方。八尺身軀汗作行。薄暮興來沿水
步。瓜羸牆畔受新涼。

二題天門山圖

兩山疊翠欲凌天。渺々楚江長水烟。騷客風流何處
是。孤帆高掛夕陽邊。

十五夜次某韻

如水涼天碧欲流。銀蟾飛上滿輪秋。庭前露墜芙蓉

虎頭巢尾可惜

樹夜半清香撲鼻幽。
桂花露滴月光流。十里江山一色秋。騷客風流何雅
致。通宵憑盡水欄頭。

秋晴登山樓課題分韻

興來曳杖登山閣。吟望觸邊秋色清。凶年猶且忙農
事。南陌東阡打稻聲。

水村夜歸全

跨馬歸來沒夕陽。滿溪月色夜淒涼。料知鷗鷺心機
熄。睡著不驚芦岸霜。

二聞蟲

雨霽荒庭月色清。草蟲唧唧隔窗鳴。似解閑人秋思
切。孤衾夜々送寒聲。

柔情動人

画梅以下天保八年

玉骨冰肌雪作魂。橫斜臨水月黃昏。滿堂忽覺清香
動。或似羅浮山畔村。

半靨樓即事贊舍西北樓外有杏花以不能見
全姿因名

出屋杏花三兩枝。多情不肯露全姿。嬌容一半呼將
答。夜色濛濛月上時。

澹靜齋樓

名種移來芳野鄉。至今猶有可憐妝。百花妖艷元難
競。清烈遺光獨擅場。

若使西人早商量。牡丹何必喚花王。名園今日風騷
足。手折嬌枝只異芳。

小櫻

一樹櫻花帶雨肥。半春日月養仙妃。東風何事無情甚。吹盡嬌紅自在飛。

書感

方寸存何事。要仁以化民。此身非我有。畢竟漢家人。去年五日與唐澤某登烏峯觀假旌。今茲某雙親卧病不能俱與賦贈。

五月初旬日色妍。憶曾携手上烏巔。不幸逢君雙親病。佳期今歲欠遊仙。

事親湯藥為貧繁。揮淚小箋題一言。駒隙光陰棄我去。道時好報海山恩。

題賣魚奴画

肩上一擔魚滿籠。春風賣遍街西東。晚來回去向何

處。杉葉店邊斜日紅。

晚雨

落日西山雨。斜々細若絲。輕烟篁水處。深翠染林時。六月有靈雨。沛然下大空。水田苗勃々。畦圃綠芘芘。十日期無過。萬民歲卜豐。油雲飛不滯。回首夕陽紅。

送某浴高湯

高唐山色聳奇峯。中有溫泉耐洗胸。節到中元人試浴。羨君十里逐仙蹤。

燒酎一缸贈安田翁

翁愛菊自呼菊隱

陶隱淡然塵外腸。閑庭養菊待秋涼。清香一掬缸中綠。笑進先生書几傍。

、秋日即事

幽峭如削

數聲蟀蟋吟叢底。一朵芙蓉欲落花。秋日閑愁無所遣。一攔暮色數歸鴉。

奉外家祖母古稀

何羨龜齡兼鶴筭。壽筵來祝古稀年。鬢毛浮綠顏如玉。知是人間不老仙。

仲秋丁祭

風吹龍旗香薰麟爐。八音高奏樂盛升俎。濟々君子其儀有矩。祀事甚明如鄒與魯。於皇先聖乃文乃武。九夷八蠻斯道大普。

元旦試筆 以下天保九年

光陰倏忽弄人頻。一醉重迎廿五春。試檢前途投足處。賤蓬惡棘屢迷津。

不遠復

押勺不正詩六箇

瓶梅

春風已入老梅根。馥郁撲醒處士魂。窗外銀泥深幾尺。瓶中別有一乾坤。

次君禮韵却寄

男子要培道義根。豈言心似月迷雲。世途岨岨今猶古。當舉鍤鞭凌紉紉。

仲春丁祭

秦火燄々何傷於道。經籍巍然萬古之寶。

螢應

世子命

腐生元自愛昏冥。暮夜出遊垂柳汀。的歷投叢非鬼火。颼颼度水似妖星。軍中時却虜人矢。囊底或懸車

子搖一陣清風吹不定。尚將餘耿透簾青。

垓下行 全

滿身是膽錦顏酡。叱咤如雷廢百魔。破碎八方秦壁固。却驚四面楚聲多。天時不利烏騅跌。夜帳臨分虞氏哥。他日鴻門俎上肉。作吾心腹畢生病。

松軒 席上分韵

百尺老松何歲植。托根磐石似龍拏。綠濤一夜環窓落。或怪扁舟繫海涯。

田家留客 全

禁酒幾年甘冷顏。猶怡吟客訪茶關。幽懷說盡桑麻事。不落紅塵十丈間。

秋夜

芭蕉葉裂入高秋。歲月看從燭影流。上懷往事今難理。挑燈愁坐五更頭。

三在校期滿留別諸友

秋風鳴竹夜。臨別意何慵。學未酬初志。愁徒塞寸胸。莎根虫語亂。蕉葉雨聲重。唯願離群後。交情依舊濃。或曰君性好詩。今觀其所錄。何少也。曰余學黌宮。實欲窺仁義之原。探禮樂之緒。固不以詩為事也。或曰恐道辭。雖然不唯大夫為然也。不以詩為事。語則吾而以為得也。

真實无妄

此非詩之注削為可

